

Na osnovu člana 8. i 26. Zakona o javnim preduzećima u FBiH („Službene novine FBiH“ broj: 8/05, 81/08, 22/09 i 109/12), člana 84. stav (2) Zakona o računovodstvu i reviziji u FBiH („Službene novine FBiH“ broj: 15/21), člana 29. i 43. Statuta JP „Olimpijski bazen Otoka“ d.o.o. Sarajevo - „Prečišćeni tekst“ broj: 01-1-383-5/23 od 20.02.2023. godine i Odluke o raspisivanju javnog konkursa za izbor i imenovanje članova Odbora za reviziju, broj: 01-2-1244/26 od 12.08.2026.godine, Nadzorni odbor JP „Olimpijski bazen Otoka“ d.o.o. Sarajevo raspisuje:

JAVNI KONKURS

za izbor i imenovanje člana Odbora za reviziju JP „Olimpijski bazen Otoka“ d.o.o. Sarajevo

I

Raspisuje se Javni konkurs za izbor i imenovanje člana Odbora za reviziju JP „Olimpijski bazen Otoka“ d.o.o. Sarajevo (u daljem tekstu: Preduzeće).

II

Izbor i imenovanje kandidata za člana Odbora za reviziju vrši Skupština Preduzeća, na osnovu objavljenog javnog konkursa u skladu sa uslovima utvrđenim zakonskim, podzakonskim aktima i Statutom Preduzeća, te na osnovu konačnog prijedloga kandidata koji utvrđuje Nadzorni odbor Preduzeća, a sve u skladu sa zakonom i Statutom Preduzeća.

III

Kratak opis poslova:

Odbor za reviziju dužan je imenovati vanjskog revizora, razmatra godišnju strategiju rizika i plan revizije u skladu sa zakonima; osigurava da interne kontrole u Preduzeću budu adekvatne i funkcionalne; podnosi Nadzornom odboru sažete mjesečne izvještaje o svojim aktivnostima; daje mišljenje o polugodišnjem i godišnjem obračunu i usklađenosti poslovanja Preduzeća i funkcioniranja organa upravljanja Preduzeća sa zakonom i drugim relevantnim propisima i osnovnim principima upravljanja i o tome izvještava Skupštinu i Nadzorni odbor; podnosi izvještaj Skupštini i Nadzornom odboru Preduzeća; donosi Poslovnik o radu kojim bliže uređuje način rada, sazivanje i održavanje sjednica, te način odlučivanja; vrši ostale poslove u skladu sa Zakonom o privrednim društvima i Zakonom o javnim preduzećima U FBiH.

IV

Član Odbora za reviziju Preduzeća bira se na mandatni period do isteka mandata predsjedniku i članu Odbora za reviziju, odnosno do 20.03.2028.godine.

OPŠTI USLOVI

V

Kandidat koji se prijavljuje za člana Odbora za reviziju Preduzeća mora ispunjavati sljedeće uslove:

- da je državljanin Bosne i Hercegovine,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu 3 (tri) godine prije dana objavljivanja upražnjene pozicije,

- da se na njega ne odnosi član IX.1. Ustava Bosne i Hercegovine,
- da nije osuđivan za krivično djelo i privredni prijestup nespojiv sa dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
- da nije lice kojem je presudom suda zabranjeno obavljanje dužnosti u nadležnosti Odbora za reviziju,
- da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH,
- da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
- da nije član Nadzornog odbora ili Uprave Preduzeća, radnik Preduzeća, niti da ima direktni ili indirektni finansijski interes u Preduzeću,
- da je stariji od 18 godina, a mlađi od 65 godina na dan imenovanja.

POSEBNI USLOVI

VI

Pored utvrđenih opštih uslova iz tačke V ovog Javnog konkursa, kandidat koji se prijavljuje za predsjednika ili člana Odbora za reviziju mora ispunjavati i sljedeće posebne uslove:

- da ima visoku stručnu spremu – završen ekonomski fakultet ili drugog društvenog smjera,
- da ima najmanje 3 (tri) godine radnog iskustva na poslovima finansija i računovodstva,
- da posjeduje stručna znanja vezana za nadležnost i rad Odbora za reviziju i način rada organa upravljanja privrednih društava.

Prilikom procjene kvalifikacija i iskustva kandidata uzeće se u obzir i sljedeće:

- sposobnost prepoznavanja, zastupanja i zaštite interesa privrednog društva,
- sposobnost za odgovorno obavljanje dužnosti člana Odbora za reviziju,
- izražena inicijativnost i neovisnost u radu i donošenju odluka,
- znanje i sposobnost razumijevanja finansijskih i poslovnih izvještaja,
- poznavanje ukupnog zakonodavstva na području djelovanja Odbora za reviziju i privrednog prava,
- sposobnost upravljanja finansijama i ljudskim resursima,
- posjedovanje sertifikata za certificiranog računovođu i ovlaštenog revizora,
- komunikacijske i organizacijske sposobnosti,
- rezultati rada ostvareni tokom dosadašnjeg rada.

VII

Prijava kandidata treba da sadrži kraću biografiju, adresu i kontakt telefon.

Uz prijavu na javni konkurs kandidati su obavezni dostaviti originale ili ovjerene fotokopije dokumenata koji ne smiju biti stariji od 6 (šest) mjeseci, kojima se dokazuje ispunjavanje traženih opštih i posebnih uslova iz javnog konkursa i to:

1. Uvjerenje o državljanstvu,
2. Izvod iz matične knjige rođenih,
3. Ovjerena izjava da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu 3 (tri) godine prije dana objavljivanja upražnjene pozicije,
4. Ovjerena izjava da se na njega ne odnosi član IX.I. Ustava Bosne i Hercegovine,
5. Ovjerena Izjava da nije osuđivan za krivično djelo i privredni prijestup nespojiv sa dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
6. Ovjerena izjava da nije lice kojem je presudom suda zabranjeno obavljanje dužnosti u nadležnosti Odbora za reviziju,
7. Ovjerena izjava da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH,
8. Ovjerena izjava da ne vrši funkciju u političkoj stranci,
9. Ovjerena izjava da nije član Nazornog odbora ili Uprave Preduzeća, radnik Preduzeća, niti da ima direktni ili indirektni finansijski interes u Preduzeću,
10. Diploma o završenoj stručnoj spremi,
11. Uvjerenje o radnom iskustvu na poslovima finansija, računovodstva ili privrednog prava u trajanju od najmanje 3 (tri) godine,
12. Certifikat za certificiranog računovođu ili ovlaštenog revizora ukoliko isti posjeduje.

Pored navedene dokumentacije, kandidat koji bude izabran je obavezan prije stupanja na dužnost dostaviti uvjerenja za redne brojeve 5. i 6. iz tačke VII ovog javnog konkursa.

VIII

Sa svim kandidatima koji ispunjavaju opšte i posebne uslove iz javnog konkursa i koji blagovremeno dostave svu dokumentaciju kako je traženo javnim konkursom, obaviti će se intervju, o čijem vremenu i mjestu održavanja će biti pismeno obavješteni.

IX

Ovaj javni konkurs će biti objavljen u „Službenim novinama FBiH“, web stranici Javne ustanove „Služba za zapošljavanje Kantona Sarajevo“-Sarajevo i web stranici Preduzeća. Dio teksta Javnog konkursa objavit će se u jednom dnevnom listu.

X

Rok za podnošenje prijave kandidata je 15 dana od dana objavljivanja ovog javnog konkursa u „Službenim novinama FBiH“.

XI

Neblagovremene i nepotpune prijave se neće uzimati u razmatranje.

XII

Prijave sa dokumentacijom, koja se neće vraćati kandidatima, dostavlja se lično ili preporučenom poštom, na adresu:

**JP „Olimpijski bazen Otoka“ d.o.o. Sarajevo, ulica Bulevar Meše Selimovića broj 83B,
71 000 Sarajevo**

sa naznakom:

„Prijava na javni konkurs za izbor i imenovanje predsjednika i članova Odbora za reviziju JP „Olimpijski bazen Otoka“ d.o.o. Sarajevo – NE OTVARATI“.

Predsjednik Nadzornog odbora

Admir Korman s.r.

Broj: 01-2-1244-3/26

Sarajevo, 12.08.2026.godine